

元秘史李注補正

元祕史李注補正卷三

秀水高寶銓

札兒赤兀歹老人

案此姓也非名也前札兒赤兀惕阿當罕兀良哈真人氏注云兀良哈人而札兒赤兀氏是矣

袂

後文作褊

帖木哥幹惕赤斤

幹惕赤斤亦作幹赤斤元史又作幹眞作幹噶作幹陳西遊記又作幹辰案方觀承從軍雜記曰顏靄山其最高峯曰諤託輝騰格里譯言少天也諤託輝似與幹赤斤音近又吳振

臣甯古塔紀畧曰稱叔曰曷克赤曷克赤與韓惕赤音近

椎胸

七十一回疆風土記曰回子見人無跪拜之禮凡遇尊長及其頭目交手當胸而頓其首謂之阿斯拉木

豁兒豁納黑主不兒地面

案豁兒豁納黑卽卷一豁兒豁納川主不兒者譯言東後文帖木真離札木合到桑沽兒河邊路從泰亦赤兀惕過是札木合所居在泰亦赤兀所居東矣

不兀刺客額兒地面

朔方備乘北徼喀倫攷曰布拉喀倫東至奇蘭喀倫九十里西至哈克圖六十五里南臨布拉河一作薄拉銓案布拉河

卽齊雅圖河之下流

斡兒洹河

水道提綱曰鄂勒昆河亦曰鄂爾渾河舊名阿魯渾河音之

轉也源有二一出杭愛山尾南麓西十四度五分東南流曰

姑洛河杭愛山自西北枯庫嶺蜿蜒而東南數百里又東行

姑洛河源又東曲曲二百里而南源自西來會南源出鄂爾

吉圖都蘭喀喇山又有二亦作威者伊圖都蘭喀喇山卽大

一自北麓東南流曰阿木勒稽烏林塔河西十四度六分極

作烏里雅思他河此地元時屬和林一自東麓東流百里而合

又東百餘里與姑洛河會始曰鄂勒昆河東南流兩山間百

里折而東北北岸山卽杭愛山東南支阜其南岸卽西自都

即寶金河也

二百餘里經西爾哈阿濟爾罕山西麓之額勒德尼

詔廟及章鄂山之東麓

章鄂山亦高大即杭愛東支阜也疑此即唐時回鶻牙帳西之烏德斡山

而所謂鄂勒昆即盟昆水也

又東北出山流百七十里折而西北流二百

里有朱爾馬台河自西南來會

朱爾馬台河亦曰朱勒馬台河出額黑鐵木兒山南麓東

南流繞布庫鐵木兒山三面東北流曲曲二百餘里

日察罕鄂模廣數十里又東北流百里布勒哈爾台河南

自達爾湖喀喇巴冷孫地之池水又西北五十里有鄂歸池東北流來會又東北入鄂勒昆河

水自東南來會又西北有他米勒河自西南合數水東北流

來會又西北折東北流有衣蘭喀勒奇拉河合三水自西來

注之又東北折正北循庫庫齊老台山西麓百里經西里布

里都地之蘇都池東

池十數里又西南有小池又西百里即巴顏濟魯克山連峯不斷

又北

受西一小水折而東北循西北麓有濟蘭崇古魯克河自西

北賽堪山東南流來注之賽堪山甚高大即巴顏濟魯克山之北行正幹又折而東北為兀勒

黑圖諸山者又東經納鄰庫勒墨地南受北一小水又東北至山

麓有厄魯墨河北自厄魯墨得衣山池水南流來注之池水以北

隔山水俱北入又東經都蘭哈喇地北出山即庫庫齊老台

色楞格河者又東經都蘭哈喇地北出山即庫庫齊老台

南而北折而東長二百數十里有哈兒渾木克河自東南來

會又東流稍北曲曲四百里有哈噶思三因杜魯河西北自

布昆沙勒山東南流合一水來會山即西承阿魯墨得衣及

北為布龍山以界又東而土喇河自南合喀魯忒哈河北流

來會又東北經即拉哈即圖布拉克地南有西拉說博太河

北自布龍山南支阜合三水南流來注之又東北經喀里呀

拉山西南麓中有大洲又北流有衣本河自西北布龍山東

南阜合三水東南流來注又東北循山有哈拉河自東南合
數水北流來會又東北有衣魯河自東南合三水來注之又
正北流至布龍山東北支阜而色楞格河自西來會銓案此
水唐書曰昆河曰噁昆水元史曰幹兒寒河曰幹兒罕水曰
幹歡河祕史曰幹兒洹河曰幹兒豁水僕氏傳曰幹爾汗河
今日鄂爾渾河曰鄂勒昆河譯無定字也唐書言回紇徙居
烏德犍山昆河間又言回紇牙帳南依噁昆水又言噁昆河
在獨邏水南屈曲東北流過回紇帳五百里而合指今三音
諾顏界合塔米河以上言之元史太宗獵於幹兒寒河明宗
次幹兒罕水東土土哈敗叛王脫脫木等於幹歡河祕史入
卷乃蠻塔陽順塔米兒河渡幹兒豁水亦皆在會塔米爾河

以上惟此卷云幹兒洄薛涼格兩間則今土謝圖汗界北會
色楞格河之際矣又案回紇徙居烏德鞬山實卽匈奴故地
則匈奴郅居水當亦此河而元史巴而朮阿而忒的斤傳言
和林山二水一曰禿忽刺據輟耕錄當作虎忽刺則卽姑洛
之對音矣

薛涼格河

薛涼格河一曰仙娥河唐書回鶻傳一曰昔令哥河朔漠一曰契
輦傑河歐陽元契氏家傳一曰錫蘭河耶律鑄雙一曰薛靈哥水元史
一曰習靈靄河瀚海一曰塞倫額河內府今曰色楞格河上
源曰齊老圖河何秋濤曰色楞格河水道提綱載有六源最
四稍北者名厄得勒河次南曰齊老圖河又次南曰烏利雅
台河最南曰阿濟勒河惟會典圖說以齊老圖河爲正源不

取六源並發之說蓋水之入東海者以最西之源為正源則水之入北海者自應以最南之源為正源就南源中論之特爾克河阿集拉克河皆細流不足當正源之目惟齊老圖河初發源即鍾為巨泊周數十里其為色楞格河上源無疑出三音諾顏部中左末旗之鄂爾哲依圖泊提綱曰齊老圖河源出喀爾喀西界山下之額爾折衣圖察罕泊在鄂勒白稽山之南幹百餘里山下西北徑隔山之桑稽晉大來泊百餘里西十六度八分極四十八度七分泊周六十里今案中俄分界圖作帖爾墨音察罕泊其源自西十八度極四十七度七分之罕蓋嶺東北流百餘里折而東經匝憂蘇台卡倫南稍折東南經安合台穆呼爾卡倫北又東北而東而東北百里許瀋為泊自源至此已二百自泊東北流出經烏爾圖吳雅山南麓稍數十里納數小水

東會西北來一水又東百餘里有二水自西南合而來會始曰齊老圖河又東北二百餘里受南一水又東北循山麓流百餘里烏里雅台河自西南來會齊召南曰烏里雅台河即吳雅山東南百數十里之衣孫都蘭喀喇地山北麓東北流會西一水南一水折而東而北共三百里來會何秋濤曰鄂

爾哲衣圖泊水東北流經中左旗右翼後旗特爾克河入之特爾克河即提綱云烏里雅台河又東北三十里阿濟勒克河自南來會齊召南曰阿濟勒克河即最南源支峯三水東北流合循山北麓東北共二百數十里北會齊老圖河何秋濤曰阿濟勒克河會典圖說作阿集拉克河又東北二十里厄得勒河自西來會厄得勒河會典圖說作源有四稍北者曰厄得勒河源出喀爾喀西界鄂勒白稽山即杭愛山頂之西南大幹兩水自山麓東流而合又東會西南來一水又東會西北來一水又東會南來一水又東會北來一水及西南來二水合之而東北者又東北一曲而東共北來注之共合七水又東名厄得勒河又東北來會今中俄分界圖作鄂疊爾河源出額爾折衣圖察罕泊之西少北三百里西十九度極四十八度之罕蓋嶺北西北流百里有帖米爾特河自西注之潤民河自東南注之折而東有雅馬特河特奇斯河自南合而來注之又東南南北各受小水二又東經札薩克廟南有霍治烏勒河自南來注之又東三百里又東許北納小水三而與齊老圖河會自源至此行六百里又東北三十里而德勒格河自西北合數水東南流合布克綏河

來會何秋濤曰德勒格爾河即提綱哈喇台爾河布克綏河

東南即提綱布克誰河會典圖說曰德勒格爾河出唐努山

薩克圖汗部界經右翼右末旗會托爾和里克河又經中左

翼末旗西納布克綏河入三音諾顏部界注于齊老圖河齊

召南曰色楞格最北源曰哈喇台爾河出杭愛山頂西南麓

三水東南流二水東北流而合經山南麓西十七度極四

九度七分去山頂西稍南百里又合西南二水并東北流者

稍東而抗愛南潤自西北來會又東受西北來一水即杭愛

東潤也折東南流有二水自西南合而來會自源至此已二

百餘里又東南始名哈喇台爾河曲曲而東百數十里受西

北來一水折而南受西來一水又東南數十里經額爾齊特

山東又東南數十里有一河自西來會即次北一源之布克
誰河也布克誰河源自杭愛山頂南稍東二百餘里山中合
五水東流三百餘里會哈喇台爾河又東始曰色楞格河召
南二十里而南源來會南北源皆五百里始曰色楞格河召
南曰西十四度入分有南特里河南自溫都勒山北流來注
極四十九度三分

之又東有北特里河自北合二水南流經哈爾占布勒古得
衣山西又南二百里經山麓來注之又東曲曲百數十里有

阿义河南自呼普蘇古兒山之西北麓東北流來注之又東
有哈喇烏倫河自北山合三水東南流經納馬納山西麓而
南來注之何秋濤曰南特里河會典圖說作額德爾河阿义
河又東流經左翼中旗中末旗又東南折而東北齊召南曰兩岸前後有山有特里河自
北山中合五水東南流三百餘里來注之又東北數十里折
東流有哈瑞河自西南合呼納衣河東北流來會哈瑞河會典圖說作
哈綏河即祕史之合池兒水也何秋濤曰又東南流折東北
會典圖說以合哈綏河後始名色楞格河而東有哈喇托惠河西南自厄勒黑圖山來注之又東稍北
有阿爾達克河自西南合三水東北流又合東二水北流來
注之齊召南曰東來一水名烏兒河又東受南來查達河又東受南來巴里
杜河何秋濤曰哈喇托惠河即塔特河阿爾達克河即歐爾
查達河即札達河巴里杜河即巴里土河皆細流也

色楞格河又東流又東稍北有厄赫河自西北來會齊召南
入土謝圖汗部界又東稍北有厄赫河自西北來會齊召南
河出西北大山下之呼孫古兒泊西十六度至四分極五十
一度三分至七分泊北即大河源也泊南拖克阿林近於西北
隔山即俄羅斯國之烏思河源也泊南拖克阿林近於西北
九十里周三百餘里中有山曰舍撥兒拖克阿林近於西北
自東南角流出數十里會西來一水水南有沙拉達藍山又
東南流會北來一水又東南流有敖即可噶兒漢河自西來
會又南有翁佳河自西來會稍東有敖里可立河合二水自
北大山合東一水又南來會西北來之阿里可河東北來之烏
兀哈河又南有恩特河自西南來會又東南有恩特河自西南
東南有恩特河自西南來會又東南有恩特河自西南來會
會又東南有恩特河自西南來會又東南有恩特河自西南來會
又東南有恩特河自西南來會又東南有恩特河自西南來會
有額林河自東北合二水南流又東合厄不里謀登苦兒
河曲曲南流來會又東南數百里有他里巴哈太河自北山
合三水南流來會又東南數百里有他里巴哈太河自北山
之水入源流長千餘里何秋濤曰厄赫河即額赫河上源為
庫蘇古爾泊在唐努山烏梁海東南境伊克杭哈納林杭
哈河哈拉錫爾河納林和羅河俱出穆遜山南麓南流納林杭
復自泊東南流出口額赫河南北合數水庫克陀羅蓋河達
爾沁圖河鄂依拉噶河阿拉潭博勒爾河俱出卡倫外南流

折東南亦來會又東經札薩克圖汗部三音諾顏部境又東南人土謝圖汗境北納努拉河布科倭河東南會色楞格河稍東有市呼圖河白南合三水來注之又東北河心有洲有布喀河自南合一水來注之又東北受北來一水又東北有一河自西南布昆沙拉之北東北流合東南一水北來注之又東受西一小水又東經布龍山北麓齊召南曰山脈西南堪山綿亘而東北為厄魯墨得衣山又東為西拉克山為布昆沙拉山又東北為此山蜿蜒至兩河合處山為色楞格及鄂爾渾又東北數百里而鄂爾渾河自南來會齊召南曰西之界度色楞格自源至此已千七百餘里何秋濤曰色楞格河既會額赫河又東哈拉湖集爾河即提綱市呼圖河及布喀河自南來入之鄂博爾克倫河自北來入之又東流經右翼左旗右翼右末次旗特爾格河自北來入之又東經中左翼末旗與鄂爾又東北經恰克圖西羅斯互市處有理藩院司官駐此其北有俄羅又北達俄羅斯國界何秋濤曰色楞格河斯國所建市圈

岸有特們瑚珠倭輝圖山又東北流澤德河自西北來入之
皆中國與俄羅斯接界處
何秋濤曰澤德河即者得河亦作哲德河提綱曰色楞格河
既會鄂爾渾河又東北百里有水自東南來注之又東北百
數十里者得河源出西北大山三水合三水東流九百餘里亦巨
川也者得一水自西來曰阿魯謀敦苦兒河東流會焉又東
數十里有一水自西來又東南二百里有遮兒圖勒河自西
南會又東曲曲二百餘里有喀木仰河自北山合三水東南
來會又東曲曲二百餘里有遮兒圖勒河自西曲曲
山合二水東南來會又東南百里之即里多武河折東北曲曲
五百里來會又東百里受北一小水又東百里折東北曲曲
勞格河今中俄分界圖澤德河作真達河其合之又東北
喀木仰河作哈穆尼河遮兒圖勒河作熱勒圖勒河又東北
帖穆尼克河自西來入之提綱色楞格河又東北七十里
備乘未載中俄分界圖作帖穆尼克河案圖帖穆尼克河源
自南入澤德河之哈穆尼河東西北流曲曲三百里有烏東
夏河自北注之又北有伊羅伊河自西南注又東北楚庫河
之折而東南百里人包楞格河源流四百里又東北楚庫河
自東南來人之是庫河提綱備乘所敘皆未核今據中俄分
界圖源出外興安嶺西北麓二水北流百餘

里而合又北百里東受小水四折而西百餘里北受小水入
又西有阿薩堪河自南合二水來注之曲而西南流百餘里
南合小水二北合小水三折而東南又折而南有庫穆倫河
哈催塔河烏里雷河告自南小肯特山北流合諸水而提綱
備乘所載庫謨河哈當蘇河烏雅勒喀河諸水而提綱所載
阿即格肯式山北麓三源東北流而合者也又東南流百餘
里有阿喇哈達音烏蘇河自南來入之即提綱所謂一河合
三水自東南大山來會者也折而西有治達河自北來入之
又西百里有阿刺庫珠爾河自東南來入之又西折而西北
百里有庫達刺河自東來入之又西北數十里有西折而南
來入之即備乘所載齊蘭河也折而正北而西北有一水自南
二百餘里又西北流至俄羅斯楚庫城南入色楞格河又
東北有啟兒活河自東南來入之提綱曰又東北百八十里
水西北曲曲四百里來注之備乘遺焉中俄分界圖作昔洛
克河源出外興安嶺西北麓合數水西流百餘里有希拉河
自東北百餘里來注之稍折西南流二百里南北受小水十
餘又西南有石利甫努爾湖自東南百餘里來注之又西南而
西北而西南而正南而西南曲曲五百餘里納小水無算折
而西北而正北百餘里有通桂河自東二百餘里來注之又
北百里入色楞格又北有古昔諾業湖水自南來入之古昔
河源流長千餘里

湖在色楞格河西岸帖穆尼克河北岸周數十里自湖東北
流百里入色楞格河三水東北流來注之又北有衣巴勒漢河自西
河自西南合三水東北流來注之而據中俄分界圖色楞格河
自納昔洛克河後其西岸所又北鳥得河自東南來入之網
受惟此古昔諾業湖水耳又北鳥得河自東南來入之網
曰又正北流百里經鳥得拜商西南有鳥得河自東南大山
合兩水四源西北七百里經拜商西南有鳥得河自東南大山
烏得河一作鳥德河又作鳥的河蓋即漢時烏揭國地中俄
分界圖作鳥達河源出昔洛克河所合希拉河源之北西北
流而西流而西南流三百里納小水十數又西有一水自東
北二百餘里來注之又西有呼敦河自鳥達河源之南西流
二百餘里納數水折而北流來注之又西鳥達河源之南西流
又西有庫爾巴河自北合數水曲曲二百餘里來注之又西
南有布連河自西伊里喀河自東南各百餘里合而西北流
數十里來注之又西南流百餘里入色楞格河鳥得鳥的烏
達皆與鳥揭對音又北有安達爾河自東來注之折而東北
或即鳥揭國地矣又北有安達爾河自東來注之折而東北
百數十里有衣離朮河自東南大山合兩水四源曲折而正
北流五百餘里經離朮河自東南大山合兩水四源曲折而正
北數十折而東北而西北曲曲百八十里有一河自西南

合二水東北流三百餘里來注之又正北流折而西北曲曲
二百數十里北流爲巨澤曰白喀爾鄂模何秋濤曰衣灘朮
河一作伊談珠河又作伊坦珠河銓案中俄分界圖色楞格
河自合烏達河以北兩岸皆無巨川來入惟安達河在烏達
河北百里自東折而西而西北曲曲二百餘里瀦爲白哈爾
流一百里來注之折而西而西北曲曲二百餘里瀦爲白哈爾
湖一統志曰白哈兒湖內府圖曰拜喀爾鄂模異域錄曰柏
海爾湖地理全志曰貝加爾湖總記曰麥嘉湖地理備攷
日拜嘉爾湖坤輿在俄羅斯楚庫柏與北五百餘里去中國
圖說曰白爾轄湖與在俄羅斯楚庫柏與北五百餘里去中國
喀爾喀邊界七百餘里一統志曰白哈兒湖在楚庫城北五百
爾喀部長台吉車陵札布之湖自西南至東北長千里東西
邊界博拉地方二百餘里湖自西南至東北長千里東西
闊二百里周數千里四面皆山中有洲曰鄂遼漢在湖內之
東北偏上有山岡多野獸提綱曰白哈兒湖亦曰小海南北
里四面有山中有洲曰敖衣董山南北五十餘里東西二
百里今案中俄圖白哈爾湖實乃自西南迤而東北耳 卽
漢時北海蘇武所牧元時菊海劉好禮自吉利吉思東走所

至者也色楞格河自湖東南角流入復自湖西偏流出曰昂
噶喇河卽元史之昂可刺河也昂可刺河西北流折而東而
東北會伊里穆河也尼塞河東姑師河諸巨川會東姑師河後亦通稱東
姑師入于北海

塔勒渾阿剌勒

塔勒渾阿剌勒今色楞格河鄂爾渾河會處之布龍山也水
道提綱曰色楞格河經布龍山北麓又東北數百里而鄂爾
渾河自南合土喇諸河之水北流至布龍山東北支阜來會
布龍山脈西南自巴顏濟魯克山賽堪山綿亘而東北爲厄
魯墨得衣山又東爲西拉克山爲布昆沙拉山又東北爲此
山蜿蜒至兩河合處山爲色楞格及鄂爾渾之界銓案布龍

山自西南亘於東北界於色楞格河東南鄂爾渾河西北正
祕史所云兩河間布龍山亦曰布隆汗山異域錄曰鄂爾渾
河巴呼圖克圖所居布隆汗山即塔勒渾對音矣

合刺只客額兒地面

合刺只客額兒今哈拉河將入鄂爾渾河處東北岸沿河地
也水道提綱曰哈拉河源出土喇河北與汗山相對之色兒
必嶺北麓曰揆河二欄合而北流有那林河自西南來會又
北布勒哈泰河自西來會又北有阿達海河自東南松納拉
河自東來會又北有通克拉河東北自阿即格肯忒山西麓
合三源西南流來會又北折西北流有一河自東北合數水
來會又西經拖羅什山北哈達圖兒山南有博羅河自南來

會又西北有查克杜兒河自西南來會又西北折正北流經杜拉孫那拉蘇查克丹地之東大松嶺也又北經喀里呀拉山東麓又北入鄂勒昆河銓案哈拉河於喀里呀拉山東麓注鄂勒昆河其北岸卽鄂勒昆河之東岸布拉河之南岸也西與蒼亦兒兀孫所居塔勒渾北與脫黑脫阿所居不兀刺皆隔河相望合刺卽哈拉對音只者蓋蒙語河岸後文卷五失魯格勒只惕卷七合刺合勒只惕義同此單云只省文客額兒言曠野蓋河岸平原也

勤勒豁河

勤勒豁河今日齊雅圖河源出布拉卡倫東北之布爾古特阿林西南流經其卡倫東又南經齊蘭泊西又南一水東自

肯特山西流來會始折而西流曰衣魯河又西經布拉卡倫

南亦曰布拉河

朔方備乘曰布拉卡倫南臨布拉河

又西注於鄂勒昆河齊雅

圖卽勤勒豁對音矣案札木合云渡過勤勒豁河到脫黑脫

阿地面裏則其水必流經布拉卡倫東可知而水道提綱言

衣魯河自東南合三水來入鄂勒昆河近時俄人輿圖作衣

羅河亦源自東南惟會典圖說載齊雅圖河發源布拉東北

南經布拉之東

會典圖說曰鄂爾渾河北合哈拉河又伊遜

河北受哈拉河

又北齊雅圖河入之而提綱鄂勒昆

遜一水俄人圖

亦然蓋衣遜河卽齊雅圖河下游提綱所稱

衣魯河者實一水

會典誤分爲二耳意是河合肯特一派而流始暢其自北山

南流者本谿澗細流故祕史言草拴筏子可徑渡也原注謂
勤勒豁河卽提綱啟兒活河亦曰齊蘭河攷齊蘭河發源齊

蘭卡倫外北流入楚庫河則源流皆在布拉卡倫之北由敖嫩河源西至布拉卡倫不渡此河非也

自他房子的天窗處入去

渡齊雅圖河則拊布拉之背而扼其吭矣施元燕疑土拉河去哈拉河甚近太祖當引兵往王罕處會合云云非知兵者也

不而罕合勒墩山

不而罕合勒墩山卽今大肯特山攷提綱所稱大肯特山阿卽格肯特山必兒喀嶺近俄羅斯地圖統名布爾罕喀勒都那嶺蓋此山起頂於大肯特而其西北之阿卽格肯特山東南之必兒喀嶺本皆一脈在昔總曰不而罕山而其曰合勒

墩曰喀勒都那曰肯特皆卽哈達之對音謂起頂處提綱以肯特爲山名而僅留必兒喀之稱於其東南分幹俄圖表著舊稱而混以喀勒都那並施及支峯皆係相沿之譌祕史蓋得其實爾

孛脫罕孛幹兒只地面

施元杰曰孛脫罕孛幹兒只爲博羅努魯對音今之博羅努魯山也在阿卽格肯特山之北毗連西北行卽齊蘭河當曰行卽齊雅圖河

不兒吉岸

不兒吉岸卽前不兒吉地岸今孫可勒河西必兒喀嶺之西南幹山也

塔納小河

水道提綱曰克魯倫河西南流至布塞山東南有撒納河東自必兒喀嶺西麓西流合東南一水來會銓案撒納河今輿圖亦作特訥河皆卽塔納對音是河正分孫可勒河之西北齊母爾喀河之西南

阿因勒合刺合納

案蒙古語隘口曰喀喇合刺卽喀刺合納則言口小腹巨似布囊也今齊母爾喀河源南卽克魯倫河源地形窄隘殆其處

巴兒忽真

案巴爾古錫穆河俄羅斯地圖作巴兒古精河源出東北穆

雅嶺南麓西南流百里有洽那河自東烏倫河自西北並會
又西南數十里有一水自西北來入之又西南數十里東西
各受一小水又西南有喀爾曼河自東北來入之西南流數
十里西受小水二又西南有阿爾果達河自東北來入之又
西南數十里有圖洛察克河自東來入之其西岸有巴爾古
精部長衙門又西南數十里有圖洛察克河支渠來注之又
西南經俄羅斯巴爾古精城東曲經其城南東受一小水又
西南數十里受一小水折而西入於白哈兒湖是曰巴爾古
精水灣

卻想喫雁與鵝鵪

案卽諺所謂癩蝦蟆想喫天鵝肉言其妄也

訶闊兒禿主兒不合

案原注引僕氏家傳阿胡爾河卽此訶闊兒則今衣魯河也
衣魯河亦曰伊魯爾河異域錄曰土拉河北其間小河有博
羅哈拉席喇伊魯爾伊邦等河其水清而溜急伊魯爾卽訶
闊兒對音矣主兒不合卽前文所云主不兒言東也

察兀刺禿速卜赤惕忽里牙禿速卜赤惕

蒙古遊牧記曰土謝圖汗右翼右末旗牧地當哈拉河源東
至恰克圖山梁接右翼左末旗界南至烏里雅呼嶺接中旗界銓案
出南注銓案察兀刺禿卽恰克圖對音忽里牙禿卽烏里雅
土拉河
呼對音速卜赤惕蓋謂山溝元史國語解曰蘇巴克蒙古語
謂溝速卜赤惕卽蘇巴克對音矣

冰上打髀石

阮葵生蒙古吉林土風記曰羅丹鹿蹄腕骨也舊俗以蹄腕骨隨手攤擲爲戲視其偃仰橫側爲勝負小者以疊大者以鹿瑩澤如玉兒童婦女圍坐攤擲以相樂以薄圓擊之則曰怕格又有較遠之戲趨冰上以中爲勝名曰撒罕銓案蹄腕之骨而瑩澤如玉故名曰髀石耳

忽勒荅合兒崖子

卽迭里溫孛勒荅黑山忽勒荅合卽孛勒荅黑對音

元祕史李注補正卷四

秀水高寶銓

路從秦亦赤兀惕處經過

案秦亦赤兀惕處卽豁兒豁納地面也

塔兒忽種

抄真斡兒帖該子合卜禿兒合忽之後也

巴牙兀

卽伯牙兀對音

忽必來

元史作虎必來

者勒篋的弟察兀兒罕遠別額合

元史作忽魯渾作速不台案元史速不台傳曰父哈班生二子長忽魯渾次速不台蓋與魯勒襲系族兄弟

幹勒忽納

案幹勒忽納不與幹羅那對音幹羅那乃海都孫幹羅納之後元之同姓此幹勒忽納乃宣懿后訶額命母漢人之外戚也

豁羅刺

案豁羅刺卽豁里刺對音乃阿蘭后母族亦不出於幹羅納也

亦乞列孫

元史孛堇傳太祖嘗遣朮兒微丹至也兒古納河孛堇因留

止宿殺羊以享蓋其部族在今額爾古訥河

只兒豁安

後文卷五云者別本名只兒豁阿歹卽此只兒豁安對音意者別於泰亦赤兀氏有未忍遽棄未能遽棄者故此時不遂留事太祖也

同胞生了札木合并俺的祖

孛端察兒擄統格黎河邊懷孕婦人生子札只刺歹是札蒼刺氏之祖那婦人孛端察兒根前再生一子名巴阿里歹是巴阿鄰氏之祖二氏爲同母所出也

撒合亦惕

當卽撒勒只兀惕對音

闊闊納活兒名字的海子

案闊闊卽庫庫對音蒙古語謂青納活兒卽諾爾對音蒙古語謂池卽前文所云桑沽兒河邊青海子也

立帖木眞做了皇帝

此時但稱罕耳云皇帝者以漢文譯之也

合赤溫

案此合赤溫卽太祖母弟知者下文於合兒孩必曰合兒孩脫忽刺溫於合刺勒歹必曰合刺勒歹脫忽刺溫況合赤溫與太祖弟同名祕史尤必慎以別之此獨不然其非札刺亦兒姓之合赤溫明矣

四人帶了弓箭

元史塔察兒傳曰火兒赤者佩橐鞬侍左右者也

三人管了飲膳

元史兵志親烹飪以奉上飲食者曰博爾赤

管牧放羊隻

元史兵志曰牧羊者曰火你赤

帶刀

元史兵志曰侍上帶刀及弓矢者曰云都赤曰關端赤語解云都赤作伊勒都齊云佩腰刀人也關端赤作庫特赤云跟役也輟耕錄曰國朝有四怯薛太官怯薛書分宿衛供奉之士爲四番番三晝夜凡上之起居飲食諸服御之政令怯薛之長皆總焉中有云都赤乃侍御之至親近者雖官隨朝陪

司亦三日一次輪流入直質骨朶於肩佩環乃於要或二人
四人多至八人時若上御控鶴則在墀陛之下蓋所以虞茲
回也雖宰輔之日觀清光然有所奏請無云都赤在固不敢
進今中書省移咨各省或有須備錄奏文事者內必有云都
赤以此之故

掌馭馬

元史別里古台傳曰幼從太祖平諸部落掌從馬國法嘗以
腹心遇敗則牽從馬

這般說將來了

案詳王罕語初無他意原注似屬文致

札刺麻山

此山蓋在今呼倫貝爾城東北莫勒根河上元史伯帖木兒傳曰敗乃顏兵於海刺兒河乃顏黨走山前追戰於札刺馬禿河案札刺馬禿河在海刺兒河之北卽今莫勒根河札刺馬卽札刺麻對音蓋河在山前故亦名札刺馬禿河矣
斡列該不刺合

斡列該不刺合元史太祖本紀作玉律哥泉卽今莫勒根河在呼倫貝爾城東北西流注於開拉里河水道提綱曰開拉里河西北流有烏藍鄂模自東北合莫勒根河之水西南流來會是也斡列該玉律哥皆卽莫勒根對音不刺合卽布拉克蒙古語謂長流泉本紀原不誤原注以札刺麻爲卷八察乞兒馬對音斡列該爲斡兒豁對音謂此山與水皆在乃蠻

部案蒙古遊牧雖不常居而部分要各有疆界謂札木合弟而居乃蠻地其誰信之

拙赤荅兒馬刺

案祕史凡言伴當皆謂屬下卷一忽圖刺合罕生三子一名拙赤一名吉兒馬兀荅兒馬刺與吉兒馬兀對音當卽忽圖刺之二子蓋與阿勒壇同時歸附者必非乃蠻別部也

撒阿里地面

撒阿里後文卷六卷八作撒阿里客額兒元史明宗紀作撒里怯兒今克魯倫河曲西南之地金史地理志曰臨潢府長泰縣其北于餘里有龍駒河有撒里葛覩地是也乃地名元史太祖紀作薩里河誤明金幼孜北征錄曰雙泉海卽撒里

怯兒元太祖發迹之所舊建宮殿山川環繞有二海子西北有三關口通飲馬河土拉河今案克魯倫河南流曲東之際其西岸有衰泊者兩池若連珠水道提綱曰克魯倫河西南至噶鄂泰嶺之東又西南二百餘里至兩山間岸東山卽必兒喀嶺西南幹山其岸西山自興安嶺過平地東爲呼商阿山北有呼查不拉河南有噶老台及衰鄂模二池水又東過平地有此山涿亘而東二百里許所云衰鄂模二池蓋卽北征錄所指雙泉矣攷給察兒槍拙赤荅兒馬刺馬羣其時肯特山以西爲客列地肯特山以東爲蒙古地而蒙古泰赤兀及札木合等北依幹難成吉思及主兒乞等南傍怯魯拙赤答兒馬刺成吉思伴當知撒阿里必在克魯倫河一也卷六

成吉思征乃蠻還至撒阿里客額兒是時蒙古西封仍以肯特山與客列分界方王罕用讒退師太祖孤軍亦還而乃蠻可克薛兀撒卜刺黑踵襲其後故嚴軍境上以備侵軼克魯倫南臨大漠故曰客額兒知撒阿里卽撒阿里客額兒在客魯倫河二也卷八成吉思征乃蠻逆着客魯漣河行至撒阿里客額兒地面遇乃蠻在康合兒合山哨望的往來相逐康合兒合山卽今轟郭爾山在土謝圖汗左翼右末旗東南與車臣汗右翼中旗接界成吉思逆客魯漣進軍而與乃蠻遇於轟郭爾山知撒阿里必在克魯倫河曲之西南三也明宗紀五月庚申次斡耳罕水東己卯次禿忽刺河東辛巳次斡羅幹禿之地壬午次不魯通之地甲申次忽刺火失溫之地

六月丁亥次坤都也不刺之地庚寅次撒里之地丁酉次兀
納入之地己亥次闊朵之地辛巳次撒里怯兒丁未次哈里
溫戊申次闊朵傑阿刺倫幹耳罕水卽祕史幹兒洹河今鄂
勒昆河禿忽刺河卽祕史土兀刺河今土拉河哈里溫卽祕
史合刺溫山今巴顏烏喇山闊朵傑阿刺倫卽祕史闊迭兀
阿刺勒今庫脫肯明宗自鄂勒昆渡河而東循土拉河南岸
以達於克魯倫巴顏烏刺及庫脫肯山而經過撒里怯兒知
撒阿里地當在河曲之西南四也撒阿里所包者廣當自克
魯倫河曲西暨袞泊南至轟郭爾山皆是故成吉思疑兵乃
蠻望見夜火如星而以塞滿撒阿里地面相驚於達達軍馬
之多而明宗以庚寅次撒里之地中厯兀納入及闊朵至辛

已尙次撒里怯兒也原注以爲今科布多河北薩克里山則當時乃蠻地施氏以爲今土謝圖汗中左旗西南薩拉噶山則當時客列地皆非也

領著他一種并十三部

他一種札荅刺氏也十三部若泰赤兀若塔兒忽若沼兀列若朵兒邊若合荅斤若撒只兀若阿魯刺若兀魯兀若忙忽若晃豁壇若兀良哈若亦乞列若豁羅刺諸部也

阿刺兀惕土兒合兀嶺

阿刺兀惕土兒合兀嶺親征錄作阿刺烏禿刺烏二山銓案卽今烏爾和特卡倫之東敖嫩河東南岸岳隆沃阿林圖爾齊納阿林也何秋濤北徼山脈攷曰岳隆沃阿林在察罕泊

南山西其南與中國多魯爾漢鄂博接界圖爾齊納阿林在
岳隆沃阿林西其南與中國準圖爾齊納克鄂博接界攷札
木合居豁兒豁納主不兒地面時東南向枯倫湖二山正所
必過岳隆沃卽阿刺兀阿刺烏對音圖爾齊納卽土兒舍兀
禿刺烏對音也

圈子

圈子猶言莊子屯子今八旗分地亦謂之圈地

蒼蘭巴勒主惕地面

巴勒主惕地面卷九太祖追述作巴勒渚納地面元史太祖
本紀作版朱思之野而祕史卷七稱巴勒渚納海子行元史
本紀作班朱尼河雪不台傳云班朱尼河今龍居河然則巴

勒主惕地面卽今克魯倫河所瀦枯倫湖矣但枯倫湖又名
巴勒渚納海於書無徵攷水道提綱枯倫湖西三十里有巴
留拉泰山巴留拉泰卽巴勒渚納對音亦卽巴勒主惕對音
是巴勒主惕地面蓋以山名而其所云荅蘭者荅蘭卽海蘭
對音黑龍江外紀曰呼倫貝爾通稱海蘭兒指凱刺爾一河
是則荅蘭巴勒主惕地面者蓋曰海蘭兒界巴留拉泰山間
耳後文稱荅蘭捏木
兒格思地面義同巴勒渚納海子行者蓋曰巴留拉泰地
面呼倫湖畔耳

哲列捏地面

何秋濤北徼喀倫攷曰哲格勒它音喀倫一作哲格勒圖喀
倫東南有察罕淖爾西有達布遜淖爾銓案哲格勒卽哲列

捏對音其地在塔里泊東南枯倫湖之西而阻於察罕淖爾
達布遜淖爾兩間所謂狹處者矣施元杰謂是今伯爾克喀
倫攷伯爾克喀倫其西南卽烏爾和特喀倫正札木合所居
成吉思軍不應退此

赤那思地面

案輿圖呼倫湖自東北角流出爲額爾古訥河其西岸有呼
拉晉河

提綱未載朔方備
乘作霍爾津河

自西合綽諾西巴爾達胡泊水來

注之綽諾與赤那對音此泊在呼倫湖之北札木合旋師所
徑矣

主兒扯歹

元史本傳作兀赤台

忽余勒荅兒

元史本傳作畏荅兒

囊

元史本紀曰革囊

失乞兀兒

案元史本紀作失邱兒邱字乃乞兀二字合音不譌也

撞馬乳的木椎

漢書禮樂志以馬乳爲酒掬動乃成元史本紀作馬乳槿類
篇槿木一截也唐式柴方三尺五寸曰槿

大金因塔塔兒篋古真辭兀勒圖等不從他命

塔塔兒金史稱阻鞞事在章宗承安元年詳內族襄傳

王京丞相

完顏襄也章宗明昌六年十一月戊子以右丞相代夾谷清
領北京行省事

活泐札河

活泐札河金史內族襄傳作斡里札河今日烏爾固河亦曰
烏爾載河在克魯倫河之北源出今車臣汗左翼左旗西北
烏爾載賽坎山東北流合北來之庫爾克河珠齊河始水
爲塔里泊源流長五百餘里

忽速禿失禿延

案祕史一則曰王京丞相領軍逆著活泐札河襄著來拜則
曰太祖與脫斡鄰引軍順活泐札河與王京夾攻則塔塔兒

立寨蓋依傍河岸今哲格勒宅音喀倫在塔里伯之南當是
其地哲格勒宅音卽忽速禿失禿延對音也

札兀忽里

案金史百官志部長曰孛董統數部者曰忽魯忽里卽忽魯
蓋命爲數部之長札兀者其忽里之號

失乞刊忽都忽

元史太祖紀作忽都忽太宗紀作胡土虎

合澧泐海子

案此卽桑沽兒河邊青海子亦曰闊闊納渚兒海子今日哈
刺諾爾合澧泐卽合刺對音水色青者亦似黑故時曰闊闊
納渚兒時曰合澧泐海子

朵羅安孛勒荅兀

朵羅安孛勒荅兀今克魯倫河南車臣汗右翼中旗境內之
拖拉哈山也水道提綱曰克魯倫河經巴顏烏喇山西麓至
南岸山盡處折東流孫可勒河注之又東南百數十里經拖
諾山南麓西南與大漠中之拖拉哈山遙遙相對拖拉哈卽
朵羅安之對音故云客魯漣河前也

迭列禿口子

迭列禿口子與後文帖列格禿口子及元史太宗紀鐵列都
當皆一地惟迭列禿帖列格禿鐵列都當是口子之名非口
子之義據輿圖今土謝圖汗左翼中左旗有地名必爾格庫
卽迭列禿帖列格禿之對音其地東北距拖拉哈山四百里

西北距策策山二百餘里正蒙古之西界而克列之東界北
倚轟郭爾商凱諸山南臨瀚海故曰口子曰隘矣

札刺赤兒種

卽札刺赤兒氏錢大昕元史氏族表曰元明善撰東平忠憲
王碑云親連天家世不婚媼則札刺兒亦元之同族矣

統格合失

元史忙哥撒兒傳曰曾祖赤老溫愷赤祖搠阿察搠阿當卽
統格

元祕史李注補正卷五

秀水高寶銓

雞兒年

遼史憂黠斯以十二物紀年如歲在寅則曰虎年案太祖之破札木台滅泰亦赤兀自是辛酉年事以爲壬戌者誤也

十一部落

十一部者合女斤部撒只兀部朵兒邊部泰赤兀部乃蠻部
篋兒乞部塔塔兒部宏吉剌部亦乞列部豁羅剌部及札答
剌部也

阿勒灰不剌阿

阿勒灰不剌阿元史太祖本紀作阿雷泉土土哈及伯帖木

兒傳作阿魯灰河卽今烏爾虎河一曰吳兒灰河一曰鄂爾
虎河也源出內蒙古烏珠穆秦左翼旗東北索岳爾濟山西
南麓曲曲隨山西南流折而西合北來之包野爾集河又西
南至烏珠穆秦右翼旗界儲於沙不刺阿卽布拉克對音譯
言長流泉

額爾古涅河

額爾古涅河元史特穆禪傳作也里古納河字禿傳作也兒
古納河今曰額爾古納河呼倫湖東北流出經黑龍江索倫
界北會於黑龍江河東今中國地河西今俄羅斯地也案額
爾古納河水道提綱曰克魯倫河自滿爲枯倫湖復自湖東
北角流出分二支一支於噶兒巴里山之西北地
東北流有開拉里河自東合諸水西北流來會又西北流數
十里而一支正北流經敖拉圖塞克忒山東麓者又東北數

十里復合又東北流數十里經車里山之東其東岸為西樓
免山之西麓又正北流數二百里折而東北二百數十里又
折正北流有振河自東南合活翰河等五水西北流來會又
正北曲曲二百里有謀里兒肯布勒河自東南合三水來注之
東北百數十里有謀里兒肯布勒河自東南合三水來注之
流數十里折東北有衣母河自東南合兩水來注之
又東北二百里餘里有衣母河自東南合兩水來注之
倫界土人名為額爾古納河實克魯倫河也朔方備乘曰呼
倫湖哈拉爾河匯其東北從湖東北溢為額爾古納河東北
流霍爾津池水自西來入之又東北逕阿巴哈圖卡倫東又
東北逕蒙克西里卡倫西北流逕額爾德尼陀羅蓋卡倫達罕德爾山
自東南來匯又東北流逕額爾德尼陀羅蓋卡倫達罕德爾山
北逕庫克多布卡倫西北和倫河出內興安嶺合諸水自東
南來會又東北眉勒爾喀河合二水自東南來匯又東北逕
巴圖爾和朔卡倫西北又東北逕巴雅斯呼爾圖卡倫西北
山合三水自東南來匯又東北逕巴雅斯呼爾圖卡倫西北
又東北逕烏裕勒和齊卡倫西北又東北逕巴雅斯呼爾圖卡倫西北
呼里山合二水自東南來匯又東北逕巴雅斯呼爾圖卡倫西北
伯爾布拉克卡倫珠爾特伊卡倫西北逕巴雅斯呼爾圖卡倫西北
里山西北麓合二水自東南來匯又東北逕巴雅斯呼爾圖卡倫西北
逕分界陟崖碑東又北與黑龍江會

流案額爾古納河提綱備乘不詳有海拉爾河自東來入之

水道提綱作開拉里河朔方備乘作哈拉爾河提綱曰開拉

里河源出諾民河源山之西麓有兩源西流而合又西數十

里有一水自東南來會又西百里有查薩河白東北來會又

西百餘里合南來一水又西北數十里有衣木河自東南山合兩

東北合三水來會又西北數十里有衣木河自東南山合兩

水西北流又合南一水又西北數十里有衣木河自東南山合兩

北經西百山者合而北流來會又西北數十里有烏藍鄂模

自東北合莫勒根河之水西南流來會又西北數十里有烏藍鄂模

里許經達哈得兒山南又西與枯倫湖又北有庫拉錦河自

東北流出之水會北水源流于餘里又北有庫拉錦河自

西來入之朔方備乘曰霍爾津池在察罕鄂拉卡倫南池水

東至阿巴哈圖卡倫東南一小水又東流逕蘇克特卡倫南又

入額爾古納河提綱未載又北經阿巴海圖卡倫東備乘作

圖折而東北經開拉蘇圖卡倫東南其東岸石威公特嶺之

西麓也當即達哈有一水自東南數十里來入之當即蒙克

乘口額爾古納河東北流逕蒙克西里卡倫西又東北經都

呀卡倫東南折而北經舊粗魯海圖東東受一小水其東岸

額爾德尼陀羅蓋卡倫庫克多布卡倫也又北有旱河自東

來入之

源出伊喀果格達山東麓兩源西流而合又西數十

西入額爾古納河即備乘所載和倫河提綱所載振

河也龍沙紀畧作根河曰振曰根曰旱音之轉也

折而西

有烏魯倫古河自西來入之

源出烏魯魯古卡倫東北流合西

布楚嶺東麓水東南流數十里合左右二小水來會折而東

南數十里南受一小水又折而東北百餘里北受小水二又

東入額爾

折而北經新粗魯海圖東又北有上博爾佳河自

古納河

西來入之

源出尼布楚嶺東麓東南流數十里折而北西受

一水北自多甯闊業南流注之折而東南數十里又折而東

北有一水北自喀勒根斯喀雅之西北東南流來注之又東

入額爾又北經作爾果里卡倫東又北經布喇卡倫東有得

爾布河自東合喀拉布河來入之

得爾布河發源旱河北岸

里而喀拉布河自東來會喀拉布河發源旱河源之北數十
里伊喀果格達山東麓西流數十里折而西南數十里又折
西流數十里而得爾布河自南來會兩河既合西流入額爾
古訥河即提綱之忒兒布勒河也龍沙紀畧作特爾布爾河
備乘謂之眉勒爾喀河與他書又北經中博爾佳卡倫東有
不合當因誤里而肯河而誤

中博爾佳河自西來入之源出業喀帖嶺作廠西南尼布楚

東南有一水自作廠西東流經作廠南來合折而東南流數

十里南受一小水又東北受一小水又東經中博爾佳卡倫

北入額爾又北有下博爾佳河自西北來入之源出業喀帖

古訥河又北有下博爾佳河自西北來入之源出業喀帖

東北流折而東而東北又東北經布勒都魯卡倫東折北折

百餘里入額而古訥河又東北經布勒都魯卡倫東折北折

東北西受一小水又北有赤羅克圖河自東數十里來入之

提綱備乘又北經俄羅斯捏爾臣斯克鐵廠東其東岸巴圖

爾和朔卡倫也折而東北經倭羅臣斯克喀雅東西受一小水

又東北折而西北有哈拉爾河自東來入之哈拉爾河發源伊勒呼里山南

麓兩源南流數十里而合有一小水東自伊克呼里山西麓
來注之折西南流數十里而有塔布爾河自東南來會塔布爾
河發源伊喀果格達山西北麓北流數十里其北一源出伊
克呼里山東麓者西南流數十里來會兩源既合西流數十
里南合一小水折而西北合於哈拉爾河哈爾河又西數十
十里入額爾古納河即提網之謀里兒肯河備乘之謨里爾
肯河龍沙紀畧之墨里兒肯河也分界碑云南岸之眉又西
勒爾喀河口所有俄羅斯房舍遷移北岸即指此河矣又西
北經阿爾棍斯開業東折而東北經上威列斯喀雅東其東
岸巴雅斯呼蘭圖卡倫烏裕勒和齊卡倫也有一水自東數
十里來入之又東北有貝斯特喇雅河自東來入之上源曰
吉察河曰阿帕河伊里底吉察河發源伊勒呼里山西北麓
西南流數十里而阿帕河南自伊勒呼里山西南麓西北流
數十里合左右二水來會始曰貝斯特喇雅河折而西北流
又折而西流百里許入額爾古納河即提網之牛勒河備乘
之牛爾河龍沙紀畧之牛耳也其曰貝斯特
喇雅者殆以巴雅斯呼蘭圖卡倫受稱矣
洛甫河自西南來入之源出戛丁貝斯開業之南北流折而
東經開業南又東北數十里經薩兀

厄斯闊業南折而東數十里南受一小水又東折北折東北
數十里經賴們斯喀雅東又東北數十里入額爾古納河

又北經烏洛甫斯闊業東東受一小水折而西又折而北西

受一小水又北折而西有烏留穆堪河自南來入之源出曼

鐵廠東北流迤而東北經巴格達特斯闊業東曲又西折而

北西受一小水又北折而東北有喀吉米爾河自西南來入

之源出上博爾佳河源之西尼布楚嶺西麓東北經阿列克

吉穆爾開威庫臣斯喀雅東北折而北數十里經曼吉穆爾

鐵廠西又北數十里經布林斯喀雅西又北折而東北數十

里經庫勒圖明斯克西左右各受一小水又曲曲東北二百

餘里西受小水三經庫楚蓋斯克東折而東數十里入額爾

古訥河又東北經穆赤堪卡倫西北又東北其東岸珠爾特伊

卡倫也又東北有塔洛甫喀河自南來入之源出闊車音斯

數十里西受一小水折東北東又東北流黑龍江自西來會

受一小水又北入額爾古訥河

提綱曰額爾古納河東北流衣特河注之備乘作依穆河龍沙紀畧作依木河卽塔洛甫喀河也又東北流與黑龍江會刊木連

水道提綱曰枯倫湖東北流出土人名額爾古納河有開拉里河自東合諸水來會又東北流有振河自東南合活輪河等五水西北流來會銓案祕史云順額爾古涅河至於刊木連則必流注於額爾古納河之水可知此河發源內興安嶺北幹之伊喀果格達山東麓兩源西流而合西南流數十里有一水自東南來會又西南流百數十里北受一小水又西入額爾古納河在開拉里河北二三百里提綱作振河龍沙紀畧作根河俄羅斯輿圖作旱河皆卽刊之對音亦卽健與堅之對音矣

河洲

河洲猶言河畔元史本紀所謂禿律別兒河岸抄兀兒傳所謂堅河之濱也於朮兒呼朮等沙洲求合泥矣

被豁羅刺思種的人豁里歹到古連勒古地面告與成吉思元史本紀曰塔海哈時在眾中與帝麾下抄吾兒連姻抄吾兒偶往視之具知其謀卽還以告

額捏堅歸列禿

水道提綱曰枯倫湖正北有敖勒卽寒克忒山銓案敖勒卽塞克忒卽額捏堅歸列禿對音也其西南隔湖爲哈薩圖卡倫卽撒克撒列又南爲札密霍都克卡倫卽赤忽兒忽其東隔湖爲哈壇和碩卽闊亦田地面矣

兀乞惕牙

案兀乞惕牙地面當在今車臣汗左翼後末旗界克魯倫河上蒙古游牧記載厄折忒圖哈卜七爾地方距波衣爾二日程銓案厄折忒圖哈卜七爾卽兀乞惕牙對音矣

阿兀出把阿禿兒

泰亦赤兀氏未知卽俺巴孩卜子中之一否也

說話了

說話者兩軍相見詰責之謂不必輸告軍情也此時阿勒壇等宜未有貳心

關亦田

案元史本紀載札木合以諸部來侵者凡三複而戰地亦三

變其名參而攷之因得其地之所在焉其一曰孟赤烈川一曰闕奕壇之野皆卽闊亦田對音速不台傳謂之闊赤檀山然則闊亦田山名也其一又曰海刺兒帖尼火魯罕之地海刺兒卽今開拉里河然則闊亦田地面實卽今開拉里河地面也今輿圖開拉里河流入額爾古訥河處其北岸有哈壇和碩山和碩譯言山岡盡處哈壇卽闊亦田對音矣

乃蠻

乃蠻部今喀爾喀三音諾顏部札薩克圖汗部及烏里雅蘇臺科布多之地而建庭於阿爾泰山魏源謂乃蠻新庭在林非也攷元史太祖本紀甲子伐乃蠻太陽罕至自按臺祕史卷六鼠兒年征乃蠻拏住塔陽其子古出魯克走出襲至

阿勒台山前遂將他百姓盡收捕了則阿爾泰實乃蠻庭明
矣乃蠻立部不知所始元史地理志言吉利吉思爲乃蠻故
地吉利吉思者古黠戛斯也唐時黠戛斯阿熱徙牙牢山之
南距回鶻舊帳馬行十五日牢山亦曰睹滿因以爲號然則
乃蠻爲黠戛斯種部名所始或卽睹滿音轉也

酪

說文酪乳漿也正字通酪有乾濕二種元飲膳正要造法用
乳半杓鍋內炒過入餘乳熬數十沸頻以杓縱橫攪之傾出
罐盛待冷略取浮皮爲酥入舊酪少許紙封貯卽成酪又乾
酪法以酪就日曝使結掠去浮皮再曝至皮盡卻入金炒少
時器盛再曝作塊收用

脫朵格

脫朵格卽脫朵延合不勒之幼子而亦曰秦亦赤兀惕者蓋謂秦亦赤兀官人非姓秦亦赤兀也

者別本名只兒豁阿歹

只兒豁阿歹卽卷四斡羅納人只兒豁安對音則者別蓋斡羅納氏案者別元史無傳其事蹟錯見於紀傳而其卒年見曷思麥里傳云曷思麥里從哲伯爲先鋒討欽察平之軍還哲伯卒會帝親征河西蓋太祖二十一年也

忽巴合牙

施元燕曰忽巴合牙親征錄作忽入海牙皆呼馬勒堪之對音詮案呼馬勒堪河源處其南亦卽克魯倫河源處蓋卽所

謂阿因勒合刺合納地面也惟原注又云往時太祖在斡難河西斡難河發源肯特山北麓冬月苦寒故自破滅泰赤烏部後於此過冬則不然攷太祖自與札木合分離以來所居如古連勒古不兒吉岸大概不離桑沽兒河左右正當巴顏烏喇山陽何嘗居肯特北麓苦寒之地且嘗迎王罕住冬於忽巴合牙事在辛酉年前非滅泰赤烏後始有其地也

失兒古額禿老人

姓巴鄰氏卽伯顏曾祖述律哥圖也太祖本紀作失力哥也不干蒙古語老人曰也不干

阿剌黑

元史伯顏傳祖阿剌

忽禿忽地面

水道提綱曰敖嫩河東南流呼馬勒堪河北流來會折東北流百里又東北二百數十里有科勒蘇河自西南大山東北流四百餘里來會銓案科勒蘇河中俄分界圖作呼兒呼河皆卽忽禿忽對音其發源處在呼馬勒堪河源之東百餘里在後

案在後云者後鼠兒年秋也

帖兒速地面

案札合敢不來降蓋在太祖追襲乃蠻至阿勒坦山前之時則帖兒速地面當在阿勒坦山

札合敢不來降

札合敢不先因王罕繫禁諸弟走入乃蠻迨太祖殺塔陽走
古出魯遂來降也

時蔑兒乞欲與成吉思戰成吉思遂與札合敢不將蔑兒乞戰
退

此卽後文卷八鼠兒年秋太祖於合剌荅勒忽札兀刺地面
與蔑兒乞的脫黑脫阿對陣一役也

又客列亦種及那禿別干董合等姓潰散的百姓亦來降

案此等百姓蓋亦自乃蠻處來降者客列亦種王罕舊部禿
別干董合二部亦故屬王罕王罕敗亡潰入乃蠻迨太祖收
捕乃蠻因來附也原注於在後二字所指尙未了了耳

初

案此因札合敢不及客列等姓百姓來降而追溯克列部先與蒙古交契後啓齟齬以至滅亡因克列部並及塔塔兒篋兒乞乃蠻等部先後滅於蒙古之事蓋初字與在後字相應直貫至卷八將塔陽母古兒別速來句

叔古兒罕

案此古兒罕乃克列王罕之叔史文甚明偶與西遼同號耳攷西遼大石號葛兒汗亦曰古兒汗音轉也葛兒汗號亦不獨西遼唐會要云回紇咄祿毗伽闕可汗卒子磨延啜立國人號爲葛勒可汗乾元元年七月冊命葛勒可汗爲英武威遠毗伽可汗葛勒可汗卽葛兒汗也而耶律大石卽位西域亦號葛兒汗子孫嗣立襲用其號葛兒汗者疑是華言監國

之義大石之立本稱監國回紇磨延啜在於未受冊命之前
意王罕之叔既逐王罕自稱監國遂用此罕號歟

合刺溫山

合刺溫元史本紀作哈刺溫又作哈刺渾明宗紀作哈里溫
今克魯倫河曲巴顏烏刺山也合刺譯言黑溫卽溫都之省
譯言高元史撒吉思傳曰黑山以南撒吉思理之其北火魯
和孫理之撒吉思火魯和孫所理者太祖弟斡赤斤分地黑
山卽此合刺溫山也張德輝紀行曰臚胸河北有大山曰窟
速吾漢言黑也窟速吾卽合刺溫音轉矣水道提綱曰克魯
倫河西南至噶鄂泰嶺之東又西南二百餘里至兩山間循
山麓折而東南流經巴顏烏喇山西麓至南岸山盡處共二

百數十里折東流山脈卽必兒喀嶺之西南幹山縣亘克魯倫河東岸起頂爲巴顏烏喇山勢甚高大銓案巴顏譯言大烏喇卽合刺對音所謂大黑山也今或譯作烏蘭誤也

合刺圪塔種

合刺圪塔種西遼也遼亡耶律大石走西域立國於烏孫故地是爲西遼遼史天祚紀曰大石太祖八代孫也通遼漢字善騎射登天慶五年進士第擢翰林應奉陞承旨遼以翰林爲林牙故稱大石林牙保大二年金兵日逼天祚播越與諸大臣立秦晉王湟爲帝以守燕湟死歸天祚不自安遂自立爲王率眾遁北過白達達西至可敦城駐北庭都護府會威武崇德會蕃新大林紫河馳等七州及大黃室韋敵刺王紀

刺茶赤刺也喜鼻古德尼刺達刺乖達密里密兒紀合主鳥
古里阻卜普速完唐古忽母思奚的紉而畢十八部王眾諭
之曰我今仗義而西欲借力諸番惟爾眾有思共救君父濟
生民者乎遂得精兵萬餘置官吏具器仗明年二月甲午以
青牛白馬祭天地祖宗整旅而西先遺書回鶻王曰我將西
至大食假道爾國其勿致疑回鶻得書卽迎至邸大宴三日
獻馬六百駝百羊三千願質子孫爲附庸送至境外所過敵
者勝之降者安之兵行萬里歸者數國軍勢日盛至尋斯千
城西域諸國舉兵十萬號忽兒珊來拒戰三軍俱進忽兒珊
大敗駐尋思干凡九十日回回國王來降貢方物又西至起
兒漫文武百官冊立大石爲帝以甲辰歲二月五日卽位年

三十八號葛兒罕復上漢尊號曰天祐皇帝改元延慶三年
班師東歸馬行二十日得善地遂建都城號虎思斡耳朵改
延慶爲康國元年康國十年歿在位二十年廟號德宗子夷
列年幼遺命皇后權國號感天皇后改元咸清在位七年子
夷列卽位改元紹興在位十三年歿廟號仁宗子幼遺詔以
妹權國改元崇福號承天太后在位十四年仁宗子直魯古
卽位改元天禧在位三十四年時秋出獵乃蠻王屈出律以
伏兵八千擒之而據其位襲遼衣冠尊直魯古爲太上皇朝
夕問起居以侍終焉直魯古死遼絕大石建號萬里之外雖
寡母弱子更繼迭承幾九十年銓案大石西行至起兒漫何
秋濤謂卽今俄羅斯高加索路之是爾彎以尋思干爲河中

府今蔥嶺西之賽馬爾罕也其屬城若可失哈兒卽今喀什噶爾若押兒牽卽今葉爾羌若幹端卽今和闐若可散卽今烏什若蒲華今賽馬兒罕西之阿濟布喀爾哲城若苦蓋今庫車若訛打刺今阿克蘇

見曷思麥里傳及西遊錄

蓋控有天山南北蔥

嶺東西之地焉而建都於虎思幹耳朵則在今阿克蘇城東北特穆爾圖泊東南騰格里山下耶律文正西遊錄曰阿里馬城西有城曰虎思窩魯朵卽西遼之都又西數百里有塔刺思城劉郁西使記曰己未正月甲子自和林至阿里麻里城二月二十四日過六塘兩山間土平民夥溝洫映帶多故壘壤垣間之蓋契丹故居也有河曰亦運流洶洶東注土人云此黃河源也二十八日過塔刺寺邱處機西遊記曰阿里

馬城西行四日至荅刺速沒輦舟濟南下至一大山北又西行十二日度西南一山西南過板橋渡河至南山下卽大石林牙國大石林牙領眾走西北移徙十餘年方至此地其風土氣候與金山以北不同平地頗多以農桑爲務釀葡萄爲酒果實與中國同惟經夏秋無雨皆疏河灌溉百穀用成東北西南左山右川延袤萬里傳國幾百年乃滿失國依大石士馬復振盜據其土繼而算端西削其地天兵至乃蠻尋滅算端亦亡十有八日沿山而西七八日山忽南去一石城當途石色盡赤有駐軍古跡西有大冢若斗星相聯又渡石橋並西南山行五程至塞蘭城西南復三日至一城明日又歷一城復行二日有河是爲霍闡沒輦由浮橋渡泊于西岸其

河源出東南二大雪山望大雪山而西山形與邪米思干南山相首尾案阿里馬城卽阿里麻里城今伊犁也塔刺思卽塔刺寺今塔刺斯河也荅刺速沒輦卽伊犁河上源之特克斯河也舟濟南下至一大山北又西行十二日度西南一山當卽今善塔斯嶺西南過板橋渡河當卽發源木素爾嶺經瑚斯圖托海軍台東之木素爾河東南流爲渭干河而匯於塔里木河故西使記言有河曰亦運東注土人云黃河源也渡河至南山下卽大石國則在阿克蘇城東北之騰格里山下矣地居冰嶺之南故氣候與陰山以北不同沿山而西七八日山忽南去石城當途石色盡赤今阿克蘇城北有赤沙山焉西有大冢若斗星今特穆爾圖泊南岸地多翁仲疑是

漢時烏孫遺跡知南山下在泊之東南矣圪塔卽契丹對音
遼之舊號契丹或稱黑契丹故曰合刺圪塔種云

古兒罕

此古兒罕乃西遼大石之孫直魯古矣遼史天祚紀大石林
牙西至起兒漫文武百官冊立大石爲帝以甲辰二月五日
卽位號葛兒罕是葛兒罕係大石罕號而親征記曰乃蠻屈
出律奔契丹菊兒汗元史曷思麥里傳曰爲遼闊兒汗近侍
菊兒闊兒皆卽此古兒對音而實皆葛兒對音而皆謂直魯
古蓋自大石以葛兒號罕子孫襲用不改知此爲直魯古者
錢大昕三史拾遺曰遼史天祚紀附載西遼事於直魯古之
滅不言其年何干支諸家編年書皆系以辛酉不知何據案

紀曰大石以甲辰歲自立改元延慶卽宋宣和六年在位二十年而殂則宋紹興十三年癸亥也其妻稱制號感天太后當是紹興十四年甲子稱制七年而卒則宋紹興二十年庚午也大石子夷列嗣位在紹興二十一年辛未立十三年而殂則宋隆興元年癸未也其妹稱制號承天太后當在宋隆興二年甲申稱制十四年而被弑則宋淳熙四年丁酉也夷列子直魯古嗣位在宋淳熙五年戊戌立三十四年而爲乃蠻所滅則宋嘉定四年辛未也紀又稱大石建號萬里外雖寡母弱子更繼迭承幾九十年以大石在位二十年合之二后二主年數恰八十八年然則延慶當有十年併康國十年乃合在位二十年之數唯紀於延慶三年建都之後卽云改

延慶爲康國元年又云康國十年歿似大石在位止十二年
明人續通鑑者大率因此致誤曾不一檢照後文何也予謂
欲知直魯古之亡當先究乃蠻之世系乃蠻與蒙古接壤數
相攻擊其事迹畧見於元史初不與西遼爲鄰也屈出律者
太陽罕之子太陽罕以甲子歲爲元太祖所殺丙寅元兵復
征乃蠻擒太陽罕之兄卜魯欲罕而屈出律出奔也兒的石
河上戊辰冬元再征屈出律屈出律奔契丹契丹卽西遼戊
辰在辛酉後八年其時西遼無恙則謂亡於辛酉不可信一
矣元史太祖四年己巳畏吾兒國來歸而巴兒朮阿而忒的
斤傳亦云臣于契丹歲己巳聞太祖興朔方遂殺契丹所置
監國等官則己巳歲西遼尙存謂亡于辛酉不可信二矣西

遼與蒙古未交兵故元史不載直魯古之滅然遼史所稱三
主兩后在位年數分明自甲辰至於國亡計八十八年其干
支爲辛未非辛酉也辛未爲元太祖之六年正在屈出律奔
契丹之後若辛酉歲則屈出律之父尙在何由奪西遼而有
之謂西遼亡於辛酉不可信三矣長春真人西遊記記西遼
事頗詳云自金師破遼大石林牙領眾數千走西北移徙十
餘年方至此地傳國幾百年乃滿失國依大石土馬復振盜
據其土旣而算端西削其地天兵至乃滿尋滅算端亦亡其
云乃滿卽乃蠻也其云失國依大石謂大石後直魯古也卽
屈出律奔契丹事其云土馬復振盜據其土卽謂直魯古被
擒屈出律襲遼衣冠據其位也長春親到西遼舊都距西遼

之亡僅十餘歲所言必得實乃蠻失國在元太祖戊辰之歲而直魯古之被擒又在其後則謂亡於辛酉不可信四矣聖武親征記屈出律以數人奔契丹菊兒汗菊兒汗卽直魯古也遼史大石以甲辰歲二月五日卽位號葛兒汗子孫蓋世襲其號元史曷思麥里傳初爲遼闊兒汗近侍曰闊曰菊與葛音皆近曷思麥里亦直魯古舊臣元太祖西征率屬迎降從大將哲伯爲先鋒攻乃蠻克之斬其主曲出律爲直魯古報讎其事當在太祖庚辰歲與戊辰屈出律奔契丹汨去十有三年或據此文疑屈出律爲元兵所斬無奔契丹事者非也知菊兒汗卽直魯古則直魯古之失國必在太祖之世謂亡於辛酉不可信五矣諸家編年所誤者由於不信大石在

位有二十年而紀文本亦有似相矛盾之處既云以甲辰歲
卽位改元延慶又云延慶三年班師東歸馬行二十日得善
地建都城號虎思幹耳朵改延慶三年爲康國元年又云康
國十年歿似大石祇有十二年與在位二十年之文不合既
減大石之年則直魯古之滅不得不移前數年矣今案西遊
記云大石領眾走西北移徙十餘年方至此地是大石建都
之前稱尊號者已十餘年矣因建都而改元又十年而歿豈
非在位二十年乎且大石之西奔在保大三年癸卯七月大
石旣自立必不稱保大之號次年甲辰二月改元延慶固其
宜也史云明年二月甲午以青牛白馬祭天地祖宗整旅而
西蓋卽改元事旣而兵行萬里乃至尋思干城與忽兒珊大

戰敗之駐軍尋思干凡九十日回回國王來降又西至起兒
漫文武百官冊立爲帝臨甲辰改元之時蓋已久矣改元在
前稱帝在後紀以改元稱帝爲一事固非其實諸家書移於
乙巳亦出臆撰且自乙巳至辛酉不過七十七年與遼史更
繼迭承幾九十年之語不相刺謬乎愚謂大石官爲林牙頗
通今古其改元也假興復之名以號召諸部必不遽稱帝也
延慶改元當在甲辰之春其時猶未至西域若稱帝則當於
延慶三年蓋用漢昭列晉元帝故事俟天祚凶問至而後百
官勸進耳若建都改元康國則必在延慶十一年西遊記所
謂移徙十餘年至此地者也是如此則大石在位二十年本無
可疑大石之年定而直魯古之亡必在辛未而不在辛酉亦

決然可信天祚紀雖有乖舛而可信者猶大半諸家臆決之
談勿論可矣銓案錢氏以甲辰自立至康國十年殂在位二
十年定西遼之亡在於辛未信矣必謂改元在前稱帝在後
延慶有十年亦非其實史明言延慶三年班師東歸改延慶
爲康國元年也今檢史云以甲辰二月五日卽位年三十八
蓋紀其自立爲王也云號葛兒汗復上漢尊號曰天祐皇帝
改元延慶則紀其西至起兒漫文武百官冊立爲帝也曰在
位二十年併其自立爲王之年而計之也方大石整旅而西
假興復爲名必不遽改元也迨西至起兒漫奄有西域適天
祚凶問亦至遂稱帝改元耳天祚亡在丙午而大石於壬子
始稱帝改元者蓋大石遠在萬里外故天祚凶問越六年而

始達理固然也据此直魯古於戊戌嗣位當元太祖年十六歲故知王罕走西遼在直魯古朝也

畏兀

畏兀又作委吾元史多作畏吾兒其國都在交河城卽今新疆吐魯番廳西二十里之招哈和屯乃吐谷渾種史家多仍爲回鶻非也國朝李廷光西域圖攷曰畏兀兒本吐谷渾素和貴之裔降于吐番贊普以吐谷渾降人配之使居計羅川後訛爲貴和又訛爲畏兀宋神宗熙甯朝王韶取西甯畏兀懼迫遷於瓜沙之間後徙入交河降于西遼西遼封爲交河王令統別失八里之地是爲畏兀兒國元史亦都護傳全屬空撰此論發於俞浩西域攷古錄詳于孫承澤元史典故編

年考足正元史之謬銓案畏吾兒國自元史巴兒朮阿而忒
的斤傳據歐陽元高昌契氏家傳成篇何爲回鶻遺種後之
史家相承無異詞原其致誤之由蓋自唐末回紇僕固俊取
北庭西州等城以立國遼金稱爲和州回鶻然和州回鶻宋
史稱高昌國至元初則稱哈刺魯部太祖六年辛未春來降
遂失其國而適有素和貴裔立國交河統別失八里之地又
國號畏吾兒與回鶻音近其國主入元封爲高昌王與歐陽
元撰傳所稱高昌國相混於是回鶻之目移於畏兀無復知
爲吐谷渾後者然回鶻自有哈刺魯一種歐陽元契氏家傳
曰高昌哈刺和卓也與交河之畏兀原不相混但沿誤已久
讀者不察耳

唐兀

唐兀西夏也本魏拓拔氏之後唐賜姓李其曰唐兀或是番名原注謂溯其原起蓋唐種亦想當然耳其地則故赫連國今甯夏府及河套之地亦曰河西前文所謂合申也攷西夏之始當唐僖宗時拓拔思恭爲夏州偏將與太原節度使鄭從讜討黃巢有功受賜姓李拜夏州節度使遂有銀夏綏宥靜五州地思恭卒弟思諫嗣梁開平三年思諫卒軍中立其子彝昌爲留後尋起復正拜節度使明年其將高宗益作亂殺彝昌時有李仁福者爲蕃部指揮使軍中乃迎仁福立之不知於思諫爲親疎也梁拜節度使中書令封朔方王後唐長興四年仁福表以次子彝超權知軍事乞降正命乃遣供

奉官齎延州留後官告賜彝超促令赴任而以安從進爲夏州節度使命師進攻夏州不能入乃班師彝超卒弟彝興立周太祖時拜中書令封西平王世宗加太保恭帝加太傅宋太祖建隆元年加彝興太尉五年秋九月定難節度使西平王李彝興卒追封夏王以其子克叡爲定難軍節度使太宗太平興國三年夏五月克叡卒以其子繼筠襲四年秋七月繼筠卒弟繼捧嗣爲留後七年夏五月李繼捧來朝獻其所領銀夏綏宥之地凡州四縣入而其族弟繼遷留銀州年十七勇悍有智不樂內徙與其黨數十人走入蕃族地斤澤距夏州東北三百里出其祖彝興像以示戎人皆拜泣稍稍歸附詔書招諭不出淳化二年李繼遷請降以爲銀州觀察使

賜姓趙名保吉且以其子德明爲管内蕃落使行軍司馬屢
叛屢服漸以强大至大三年繼遷遣使修貢求備邊任眞宗
雖察其變詐方在諒闇務爲甯靜因從其請加定難軍節度
使封以夏綏銀宥靜五洲咸平五年李繼遷陷靈州以平
平府居焉六年陷西河取西涼府中流矢卒子德明年二十
三矣遣使告哀於契丹契丹遣使弔慰封德明爲西平王德
明因城懷遠鎮爲興州以居後升爲興慶府又改中興府仁
宗明道元年德明卒以其子元昊爲定難軍節度使西平王
元昊凶鷙喜戰嘗引兵襲回鶻陷甘州復拔西涼府自襲位
爲反計慮回鶻吐蕃制其後舉兵攻瓜沙蘭三州盡有河南
地景祐四年冬十月遂僭號大夏始文本武興法建禮仁孝

皇帝改大慶三年爲天授禮法延祚元年時元昊旣悉有夏銀綬靜有靈鹽會勝甘涼瓜沙肅居興州阻河依賀蘭山爲固地方萬里有兵十五萬八千五百人角立於宋遼金之間莫得而屈焉宋慶厯八年元昊被弑子諒祚嗣宋英宗治平四年諒祚卒子秉常嗣宋哲宗元祐元年秉常卒子乾順嗣宋高宗紹興九年乾順卒子仁孝嗣宋光宗紹熙四年仁孝卒子純佑嗣宋甯宗開禧二年蒙古太祖元年也夏李安全廢純佑自立越三年己巳蒙古入靈州夏主安全降癸酉安全卒子遵頊嗣壬午遵頊傳位於子德旺丙戌德旺卒弟子覲嗣明年丁亥六月蒙古滅夏自元昊至亡一百九十五年自繼遷而下傳十二世幾三百年焉

五
粘羆羊

粘殺同爾雅黑殺羆集韻殺羆山羊也

駱駝

駱駝一曰橐駝史記匈奴傳其奇畜則橐駝索隱曰韋昭云背肉似橐故云駝包愷音託佗一曰駝駝漢書西域傳鄯善國多駝駝注師古曰脊上肉鞍隆高若封上俗呼封牛或曰駝狀如馬頭似羊長項垂耳有蒼褐黃紫數色性耐寒惡熱夏至退毛至盡人欲載輒屈足受之自燉煌往外國流沙千餘里無水有伏流駝遇其處停不進以足跑地掘之常得水又青海北夏有熱風傷行旅風將至駝先引頸鳴以鼻口匿沙中人見之則以瓊擁蔽口面避其患其臥腹不帖地屈足

冀煙直上如狼煙亦名橐駝

古泄兒海子

古泄兒海子親征錄作曲薛兀兒澤今翁金所緒呼拉哈五郎鄂模也水道提綱曰翁金兩源出鄂爾吉圖都藍喀喇山東行大幹山中東南流出平地合焉又東南會西來一水又東會北來一水又東南百餘里經杭亦哈馬勒山前受北來小水一又東南有一水北自杭亦哈馬勒山之南麓東南流來會又東南曲曲八百餘里於大漠瀦爲呼拉喀五郎鄂模周二十餘里南渡漠至河套可八百里許銓案史云從畏兀唐兀經過則已過唐兀境可知擠乳刺血是大漠中乏水草光景從河套渡漠必出翁金自昔爲然呼拉哈五郎卽古泄

兒及曲薛兀兒對音地在策策山西南去克魯倫河不遠爲
成吉思遣速客該迎王罕處無疑原注巴里坤海則畏兀地
居延海及月兒海子則唐兀地皆非也

回回

回回大食遺種其祖摩哈麥隋大業末興於天方卽今阿刺
伯之墨德那地唐書大食傳所稱摩呵末也此之回回卽後
文與札闌丁合之滅里可汗滅里卽今新疆伊犁其地自昌
八剌以西邱處機西游記曰昌八剌城以東昔屬唐西去無
僧道回紇但禮西方耳回紇卽回回之訛禮西方卽回回教
之拜太陽蓋自唐元貞後大食與吐蕃爭強漸入東土今天
山南北大半回族其由來久矣

垂河

垂河卽今吹河導源特穆爾圖泊西北流有和什和爾河自西南來會又北有那袞泊水自東南來會始曰吹河西北流千餘里瀦爲大澤曰和什庫爾泊西域圖說曰卽唐書碎葉川也地在伊犁西北時屬回回滅里可汗由此南踰天山則阿克蘇合刺圪塔種處矣

荅蘭捏木兒格思地面

荅蘭捏木兒格思地面今索岳爾濟山西南麓也水道提綱曰索岳而濟山甚長大延袤數百里其西麓臨大漠其東北枯倫貝爾與齊齊哈爾城相近銓案索岳爾濟卽捏木兒格思對音其曰荅蘭與巴勒主惕之云荅蘭同黑龍江外紀所

謂呼倫貝爾通稱海蘭兒也

失魯格勒只惕

失魯格勒只惕後文又作濕魯格勒只惕元史太祖本紀作失連真河卽今色野爾濟河也源出內蒙古烏珠穆秦左翼旗西北東流徑其旗北合北來一水又東折而東南流徑其旗東折而西南流徑其旗東南又西南流合於烏爾虎河失魯格勒卽色野爾濟對音只惕者蓋水旁之謂

奧魯

經世大典序錄曰凡軍出征戍家在鄉里曰奧魯